

【经文信息】大正藏第 21 册 No. 1269

佛说金色迦那钵底陀罗尼经 1 卷

No. 1269

佛说金色迦那钵底陀罗尼经

三藏金刚智奉 诏译

如是我闻。一时佛在舍卫国迦兰竹林园。大说法愍念一切众生。说此陀罗尼。属金色迦那钵底。尔时世尊即说真言曰。

曩谟率都底(一)迦咤迦咤(二)底咤摩咤(三)起哩(二合)𩇑拏(二合四)起哩(二合)𩇑拏(二合五)畔惹畔惹(二合六)曩谟率都帝(七)护噜捺(八)跛惹尼曳(九)娑缚贺(十)阿部多(十一)浪拏乞忤(二合)质多(十二)曷罗(引)娑摩𩇑磋底(丁以反十三)摩诃野(十四)摩贺悉底(二合十五)诺乞(二合)曩(十六)钵罗(二合)句跛野(引)弭(引十七)矩噜矩噜(十八)祖噜祖噜(十九)谟噜谟噜(二十)曩谟曩谟(二十一)

佛告舍利弗。此是金色迦那钵底除障难真言。若众生受持真言者。所作诸法无不成。大验当知。定有障难。即于白月若黑月二日八日十五日。牛粪涂地作坛种种供养所作成就。金色迦那钵底白佛言。我当拥护持此真言者。若有众生持此真言者。某人所须资财卧具衣服饮食金银珍宝奴婢从不旧乏少。一切真言法速令成所。作就如意。其像形人身象头六臂。于白[迭*毛]上画之。刻作用得。白檀紫檀苦练木通用。余木不得。若彩色勿用皮胶。须用香汁及有汁木。其身正立。鼻向右曲。左上手把刀。次手把欢喜团。下手把剑棒。次手把缚折罗。下手把索。身作金色。脚踏金山。头上五色云。云内有四天王及诸仙散华。左边有俱摩罗净军。右边有阿咤薄俱元率大将。向下左画美女。音乐供养立。右画四大药叉。各执器仗一半头一猪头一象头一马头。皆着虎皮褌。作像之时莫令见杂人等。书毕。

烧香清净不食五辛。于净室中安置其坛。方圆大小随意作之。坛中烧安悉香白胶沈水香等。用随饼乳粥欢喜团苏蜜菓子种种供养。所作随心。若鬼神难调伏者。搓白线呪之。一遍一结满四十九结。系左臂。一切鬼悉皆被缚一受

持人。不须邪淫妄语作诳。其禁食已止芸薹葫荑五辛。不得食。故入色孝家生产处。印法并通用。诸毘那翼迦法通用。勿亲恶人。同行者施之无妨。

金色迦那钵底经

【经文信息】大正藏第 21 册 No. 1269 佛说金色迦那钵底陀罗尼经

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】
